




# Am ball-sneachda mòr



Wes Magee • Val Biro

# Am ball-sneachda mòr



An teacs a Wes Magee  
Dealbhan Val Biro  
A' Ghàidhlig Anna NicDhòmhnaill

STÒRLANN • ACAIR





Bha dà dhràgon bheag ann, Nesta agus Ned.  
Aon là sgèith iad a choimhead  
air Granaidh Dràgon.

Bha sneachd air a' Chaisteal Sheunta.  
Bha sneachd anns a' Choille Chiar.  
Bha sneachd air a' bheinn.





Choimhead Nesta agus Ned sìos.  
Chunnaic iad Granaidh anns an uaimh.  
Chunnaic iad an Dràgon Mòr Dona.  
“Carson a tha an Dràgon Mòr Dona  
shìos an siud?” thuirt Nesta.



Rinn an Dràgon Mòr Dona ball-sneachda mòr.  
Chuir e am ball-sneachda dhan uaimh.  
“Ha! Ha! Ha!” thuirt an Dràgon Mòr Dona.  
“Chan fhaigh Granaidh a-mach às an siud!”





“Dè nì sinn?” thuirte Nesta.  
“Trohad, Ned.  
Feumaidh sinn Granaidh a chuideachadh.”  
Sgèith Nesta agus Ned sìos chun na h-uaimh.



“Cuidich mi! Cuidich mi!” dh’èigh Granaidh.  
Dh’èigh Nesta agus Ned air ais,  
“Cuidichidh sinne sibh. Tha sinn an seo.”





Shèid Nesta teine air a' bhall-sneachda.  
Shèid i agus shèid i.



Shèid Ned teine air a' bhall-sneachda.  
Shèid e agus shèid e.



“O tapadh leibh,” thuirte Granaidh.  
“Nach sibh a rinn math.”  
Bha Nesta agus Ned crosta ged-tà.  
“Nì sinne ball-sneachda dhan Dràgon ud,”  
thuirte Nesta.





Rinn Nesta agus Ned bàlla mòr sneachda.  
Chaidh e car mu char anns an t-sneachd  
agus roilig e sìos, sìos an cnoc.  
“Cuidich mi!” dh’èigh an Dràgon Mòr Dona.



Thuit an Dràgon Mòr Dona agus chaidh  
am bàlla mòr sneachda air a mhuin.



Roilig an Dràgon Mòr Dona  
agus am ball-sneachda sìos an cnoc.



“Ha! Ha! Ha!” Rinn Nesta agus Ned gàire.  
“Nach e am ball-sneachda a tha mòr a-nis.”  
Agus sgèith iad air falbh  
a chluich san t-sneachd.

Foillsichearan Foghlaim Heinemann  
Halley Court, Jordan Hill, Oxford OX2 8EJ

OXFORD MELBOURNE AUCKLAND  
JOHANNESBURG BLANTYRE GABORONE  
IBADAN PORTSMOUTH (NI) USA CHICAGO

© Wes Magee 1996

A' chiad fhoillseachadh 1996

03 02 01 00  
10 9 8 7 6 5

A' Ghàidhlig Anna NicDhòmhnaill

Am foillseachadh seo sa Ghàidhlig 2002 le Stòrlann Nàiseanta na Gàidhlig/Acair

© na Gàidhlig Stòrlann Nàiseanta na Gàidhlig às leth nan Ùghdaran a tha riochdaichte air MRG. Na còraichean uile glèidhte. Chan fhaodar pàirt sam bith dhen leabhar seo ath-riochdachadh an cruth sam bith no an dòigh sam bith gun chead ro-làimh bho Stòrlann Nàiseanta na Gàidhlig/Acair.

Data Catalogadh ann am Foillseachadh an Leabharlann Bhreatainn  
Gheibhear clàr-catalogaidh airson an leabhar seo bho Leabharlann Bhreatainn

Tha Wes Magee a' dleasadh còir mhoralta airson a bhith air a chomharachadh mar ùghdar na h-obrach seo.

Clo-bhuilte le Scotprint, Haddington

LAGE/ISBN 0 86152 778 X